



“ Seramai 47 orang pelajar terlibat dalam program ini.

HAPPY KIDS HAPPY WORLD

PROJEK HAPPY KIDS HAPPY WORLD

dari UiTM Cawangan Negeri Sembilan Kampus Kuala Pilah telah berjaya mendapatkan kelulusan pembiayaan sebanyak RM4,500.00 daripada pihak Khind Starfish Foundation. Pembentangan projek kepada pihak Khind telah diadakan pada 6 Julai 2019 bertempat di Pejabat Khind di Bukit Jelutong.

Projek ini merupakan program kesukarelawanan dalam membantu menyediakan dan menceriakan ruang bacaan yang kondusif di wad kanak-kanak Hospital Tuanku Ampuan Najihah, Kuala Pilah. Antara aktiviti-aktiviti yang menarik dijalankan bersama pesakit kanak-kanak adalah seperti ‘Fun with Us’: Playing ‘Ahsulu’ iaitu permainan kad kosa kata yang menyeronokkan untuk mempelajari perkataan bahasa Arab, ‘Interactive Storytelling’ di sudut bacaan bersama pesakit kanak-kanak, dan juga mengecat dan melukis mural oleh pelajar UiTM. Program ini telah dijalankan selama lima sesi yang bermula dari 14 September dan berakhir pada 16 November 2019.

“ Melahirkan mahasiswa dan mahasiswi yang cemerlang daripada segi akademik.

Projek ini merupakan kolaborasi antara Kelab Sahabat, Persatuan Bahasa Arab, Alchemist Club dan Food Technology Society Club, yang melibatkan penglibatan pelajar UiTM Cawangan Negeri Sembilan Kampus Kuala Pilah seramai 47 orang.



Projek ini diketuai oleh saudara Syed Muhammad Nor Fahmi Toha Bin Syed Mohd Redzuan, pelajar Diploma Mikrobiologi Semester 2. Penasihat projek ini terdiri daripada Pn. Nurulizzati Makhtar, Pn. Siti Nafisah Md Rashid, Cik Norshida Hashim, Tuan Sarifah Aini Syed Ahmad, Nur Rabiatul Adawiah Mohammad Noor dan Dr Siti Nur Atika Baharin.

Antara objektif pelaksanaan projek ini adalah untuk melahirkan mahasiswa dan mahasiswi yang cemerlang daripada segi akademik serta mempunyai kemahiran berkomunikasi dan sosial dengan agensi jabatan luar dan masyarakat, melahirkan mahasiswa dan mahasiswi yang berfikiran positif serta berkepimpinan tinggi dalam memantapkan pembangunan insaniah serta membuka fikiran dan menjana idea dengan pantas dalam menilai sesuatu isu atau masalah yang berlaku dan menyelesaikannya dengan cara yang profesional dan bijaksana. Secara ringkasnya, program ini dapat menerapkan pengetahuan bekerja dalam suasana berorganisasi kepimpinan seperti yang diterapkan di UiTM secara profesional dan bijaksana sekaligus merapatkan hubungan sesama peserta, masyarakat dan agensi luar.

PENSYARAH TERLIBAT:

1. Norshida Hashim
2. Tuan Sarifah Aini Syed Ahmad
3. Nurulizzati Makhtar
4. Siti Nafisah Md. Rashid
5. Nur Rabiatul Adawiah Mohammad
6. Dr. Siti Nur Atika Baharin

